

გეორგი კახიანი  
ა.ა.

# == ალმანახი ==

№ 1.

11 598

# მადრიდის რედაქცია

რედაქცია იმყოფება ქ. მუთისში, ფერის ქუჩაზე, იოსებ ქაფიშვილის № 11

### რედაქციისაგან:

ვაცხადებთ საყოველთაოთ, რომ ჩვენს რედაქციას არავითარი დამოკიდებულება არა აქვს არც „მერცხლის“ რედაქციასთან და არც „იმერეთთან“ ვარღვევამარჯობა — გაგიმარჯოს.

ლილას მამა მოუკვდა — აპეკუნი სჭირია.



## ქ. ქუთაისი.

ბევრჯერ გამიგონია „ქემმარიტ ქართველთა ბაგედან“ თბილისი სომხებს დარჩა და ქუთაისი კი ებრაელებსო. ბევრჯერ ამომიკითხავს მათვე ორგანოებში ამგვარი გადარტყმული მათრახები და რასაკვირველია, მეც ვეთანხმები, რომ ეს სინამდვილეა, თბილისი და ქუთაისი ფაქტიურათ მათ ხელშია, მაგრამ განა მათი ბრალია? ამაში თვით ჩვენ ქართველებს მიგიძღვის დანაშაულობა. ჩვენ ვაჭრობ-მრეწველობას გაურბივართ და ის საანბანო ქემმარიტება, რომ დღეს კაპიტალისტური ხანაა და ყოველივე კამერციის განვითარებაზეა დამყარებული, ჩვენ ვერ შეგვიგნია. ქართველ „ინტელიგენციას“ ვაჭრობა-მრეწველობა სასირცხლოთ მიაჩნია და რიხიანათ კი გაყვირიან: სამშობლო განსაცდელშია, უცხოელების ხელში გადავიდა ჩვენი მიწა-წყალიო; ეს კი ვერ გამიგია, რითი შეიძლება შეველა, ნუ თუ ხმალ-ხანჯლით თუ ზარბაზნებით შეიძლება დაბრუნება იმ ჩვენი სიმდიდრისა, რომელიც სომხების, ებრაელების და ან უცხოელების ხელში გადავიდა? არა, ბატონებო, ჩვენ ამ მხრით ვერ გავიტანთ ლელოს, საჭიროა ყველამ თვალი გაეახილოთ და ჩავევათ კომერციაში. ჩვენი საქართველო მდიდარია ბუნებით და ბევრი სიმდიდრეა ჩვენში. მხოლოდ საჭიროა მისი დამუშავება.

არ კმარა ბატონებო, კლუბებში მარტო იმის ძახილი-სამშობლო, სამშობლო და სამშობლო—როგორც ამას ჩვენი „პატრიოტები“ სიმთვრალის დროს გაიძახიან. არ კმარა, ბატონებო, მარტო სასტუმროებში არალაღას ძახილით შეიარაღება. მუდამ გახსოვდეთ უკვდავი მგოსნის ბარათაშვილის სიტყვები „იქ, სადაც წინათ ხმლით და ხანჯლით ფლობდა ქართველი, მუნ სამშვიდობო მოქალაქის მართავს აწ ხელი“.

არ კმარა ბატონებო მარტო ბულგარის ტყეპნა, არ კმარა, ბატონებო, მარტო ქალების კულში დევა... დასასრულ კიდევ ვიმეორებ თუ გვინდა სამშობლო მიწა-წყა შეგვრჩეს, ჩავევათ ვაჭრობა-მრეწველობაში, შევადგინოთ ამხანაგობა. აი ამ გზით შეიძლება დანაკარგის უკანვე დაბრუნება და მეტის შექენაც... ვეცდები ბატონებო უფრო ვრცლათ სერიოზულ გაზეთში მოვთავსო ამ საკითხზე წერილი.

ლილა.

## ცხელ-ცხელი ამბები.

ღმერთი, რჯული, სატანა და ჯოჯოხეთი, რომ ცხელ-ცხელ ამბების წერას, ბევრათ ცხელ-ცხელი წვადის ჭამა მირჩევენია, მაგრამ რას იზამ კაცს რომ წერა არ მოუსვენებს და წერის საღერღელი აეშლება ხოლმე. სული არ წაიწყმიდოთ და არ იფიქროთ, რომ ჭამის საღერღელიც არ მქონდეს აშლილი, მაგრამ რაკი საფანელი არ არის, რაკი არ ძაღმიძს კუჭის მოახოვნილება დავაკმაყოფილო, ამისათვის ციკ მეთქი ვეუბნები და ისევ წერის საღერღელს ვაკმაყოფილებ. მინდა ზოგიერთი ცხელი ამბავი, რაც ცხლათ ესმა ჩემ ყურს, არ გავაცივო და ისე ცხლათ მოუთხრა სხვებსაც. მაშ ალაზენით ყურნი თქვენნი და განემზადენით სმენად.

### კვიმატი წელიწადის კვიმატობა მის პირველ თვეში.

ძიძგი, ძიძგი მამალო,  
წაქცეული დაკალო!

„სამეგრელოს განაპირი ფოთია და ქალადილი“, ფოთის გმირებიც დავობენ იმაზე, თუ რომელს შეუძლია... ჭამა დიდი... მოგესხენებათ ქ. ფოთს ვიყიყიყათ დიდი ნიკო ყავდა, ვაყაყაყათ კი იონა. იყენენ ეს ორი პატივცემულნი პირნი ტბილად და მეგობრულად, ერთი თუ გარეთ საქმეს არიგებდა, მეორე შინ ოჯახობდა, შინაურ საქმეს განაგებდა... კაი ხანს ცხოვრებდა ორივე ერთი მეორის სრული პატივისცემით და თავაზით. ერთი მეორეს აქებდენ „ებნითა და წინწილითა“ და მოითხოვდენ, რომ ყოველნი სულნი აქებდეს მათ. იონა, რომელსაც ყველა ქართველი მოღვაწის ბიოგრაფია დასაწერად აქვს იჯარით აღებული, ემზადებოდა ნიკოს ბიოგრაფიის დასაწერად, „კბილს უთვლიდა“, მისი ნაბიჯის გადადგმას იწერდა, ყოველივე მის ნათქვამს „დაუწერელ“ დღიურში დაუწერელად აღნიშნავდა... და აჰ, სულ რაღაც უბრალოზე, მათ შორისაც შაფმა კატამ გაირბინა, იმ წყეულმა კატუნამ, რომელსაც, თუ იონას დაუჯერებთ, „პენსიაჩკა“ ეწოდებოდა, ორი მეგობარი სამკვდრო-სასიცოცხლოთ გადაკიდა. იონამაც, რაც „მუცელსა შინა გველეშაპისა“ ენახა, ყველა „იმე-

რეთში“ გადმოაღაგა. საწყალი ნიკო! სანამ მისი დარი დარობდა და იონა სწყალობდა, მანამ კი ბიჭი იყო, იონაც გუნდრუკს უკმევდა, ყველაფერზე ბალი აღას ეუბნებოდა, მისკენ ცივ ბორიას არ აკარებდა, ახლა კი, რაკი ნიკოს იონა ქალაქის თავათ არ უნდა, ნიკოც დააბეზლა მილიუკოვს, როლიჩევს, გეგეჟკორს და ერთი სიტყვით ყველას. საწყალი ნიკო... მაგრამ საწყალი იონაც! თუ საქმისთვის გული შესტკიოდა სად იყო მანამდე, სანამ „მაზოლზე“ ფეხი არ დააქირვს? ახლანდელი მისი „რაზობლაჩენიე“ წაგებული ომის შემდეგ ფარხმალის ფერვაა და მეტი არაფერი.

\* \*

„ვას შენ ჩემო ქუთაისო,  
სავარლო და სამაისო“,

სულ სხვაა ქუთაისი, ქუთაისსაც უაედა ქალაქის საბჭოს წევრი ამოსარჩევი, მაგრამ ქვეყანა არ გადაუბრუნებიათ, მკვლარი და ცოცხალი ერთი მეორისთვის არავის უხსენებია, საქმე ქუთათურათ მოაკვარახტინეს, არც წვადი დაწვეს და არც შამფური, ერთი სროლით ორი კურდღელი მოჰკლეს და მესამეს საცაა ხელდახელ დაიჭერენ. თუმც ასეთ მოხერხებულ ნადირობას 7 თვეს მოუნდენ მაგრამ დრო იქ რა სათქმელია თუ მიზანი მიხწეულია. მიზანი კი რომ მიხწეულია, ამაში ეჭვი აღარ არის. ქუთაისის ქართულმა გიმნაზიამ ქუთაისის ქალაქის საბჭოს მიათხოვა მასწავლებელი ქვარიანი, მაყრებათ იყვნენ: სოლ. მიქელაძე და ხმოსანი იურისტები, შვაშავალ-მდადეთ-ოცხელი.

მზითევი ქალაქმა უნდა გამოუწყოს წელიწადში 2100 მან. ამ გათხოვით გიმნაზიამ, მართალია, დაკარგა ერთი უბადლო პედაგოგი-„მამულიშვილი“, მაგრამ ამ დაკარგვას ის როგორც იქნება გაუძლებს, რადგან ერთ „მამულიშვილს“ ახალ თბილ ადგილს მისცემს. ამრიგად ქვარიანი გიმნაზიას მოშორდება, ეს ერთი კურდღელი. ქვარიანი ქალაქის საბჭოს წევრი იქნება, ეს მეორე კურდღელი. რომელიმე „მამულიშვილს“ ვაკანსია გაენსნება, ეს მესამე კურდღელი. ყველაზე მეტათ აქ მოგებული იქნება ქალაქის საბჭო, რადგან ერთი ევროპიულად განსწავლული ყველაფერში „გამოიმასქნილებული“ „მამულიშვილი“ „მამულის შვილურად“ საბჭოში დაიბუღრებს...

კრიტიკული განხილვა „მეცნიერულ“ ნაწარმოებისა: ბროშიურა „ვაჭარი და კარტის თამაში“-ს. ჰეტრე სნაკაშვილისა.  
(გამოცემა ღ. ბაქრაძისა).

ბროშიურა „ვაჭარი და კარტის თამაში“ მეცნიერული თვალთახედვის ისრით რომ გავაკრიტიკოთ და სიმართლით შევხედოთ ამ ნაოფლარ, ნაოხარ, ნატვინებ და საგოდრე ნაწარმოებს საკრიტიკოსო ვერასა ვნახავთ. ნაწარმოები შინაარსიანია და თითქმის დადებითი მხარეები აქვს გარდა ზოგიერთ ქვემოთ ჩამოთვლილ უარყოფით მხარეებისა, რომელთაც არც კი ეთქმის კრიტიკა. 1) ქართული ენის სიკოჟლე, 2) ტვინის ქიქინის დროსა შედგენილი. 3) ნიშნები, ე. ი. მძიმეები სრულებით საჭიროთ არ უცვნია ავტორს. 4) მარტო თავის პროფესიის (ვაჭრებს) ხალხს არიგებს ჰკუაზე: „კარტის თამაში სინიღისიერ ვაჭარს არ ეკადრებაო; დანარჩენ საზოგადოებას კი ავტორის აზრით ეება ეძლევა ითამაშოს კარტი. (ესეც კარგი წყალობაა) 5). თვით ბროშიურა ნამეტანი იაფია, ერთი ფურცელი (თაბახი) ღირს 5 კაპეიკი. (ვაჭრული ანგარიშია), მაგრამ მანე ენები კი ავრცელებენ ხმას ვითომც ძვირი იყოს ეს ბროშიურა. არა ბატონო მკითხველო! ზოგიერთთ შეშურთ „ჩვენი მეცნიერის ღიდება და ქება და ამიტომაც ამ შეუსაბამო ხმებს ავრცელებენ. „ჩემო პენტე მეცნიერო“! დადგება დრო, დადგება ის დიადი ხანა, როცა შენ ბროშიურას დაედება ფასი, თუ ღღეს ღირს 5 კაპ. მაშინ ეღირება 5 მანეთი. ღღეს კი დავტირი შენს ბროშიურას, დავტირი გამოცემელს ბ. დ. ბაქრაძეს (წიგნების დამტარებელია), რომლის ტვინი, როგორც ხმა დადის, შენებრ ჩემო პენტე, დიოგენის ტვინის „კუსოკია“. დასრულ გისურვებ ჩემო პენტე „მეცნიერო“, ნუ მოგვიშალოს შენი მეცნიერული ბროშიურები შენი მეცნიერული ვედრები, ბოჟლომები, ლურსმები და მასთან შენი ტვინის გამმაგრებელი ვინტები არ მოფამფულიყოს.

დავშთები მარად პატივისმცემელი შენი ბროშიურისა.

## ლილის ვიზიტები.

(ახალ წელიწად დღეს).

სათის თერთმეტი იქნებოდა პირველი ვიზიტი გავუკეთე ეპარხიალურ სასწავლებელს. მოსწავლეები უკვე თავს იყრიდნენ, რომ მოესმინათ ახალწლის შეხვედრის წირვა. ამ მოსწავლე ახალგაზდებში შევნიშნე ერთი თოთხმეტ-თუთხმეტი წლის მოწაფე ვაჟი. ქული გვერდზე მოვედო, ქამარი წელზე ისე მაგრად მოეჭირნა, რომ სულთქმა უჭირდებოდა, გულზე ორი ბრჭყვილა „პლასტინკები“ ზედ რაღაც წარწერით ეკიდა, ფეხებზე უძირო წაღები ჩაეცვა (გვეგონებოდა ლეკურის ცეკვის მასწავლებელია). ყველაზე უფრო იმ პლასტინკებით დავინტერესდი და იმ ზომამდე მიმიყვანა ცნობის-მოყვარობამ, რომ გავბედე კითხვა (თუმცა გული მიკანკალებდა, ერთი არ მთქვიფოს ამ მელოტ თავში მეთქი), თუ ვინ უთავაზა ამ მოდნი მოწაფეს ეს „პლასტინკები“. ააშენოს აკატუშ-ბარუხამ იმის ოჯახი, გულმოუხსლელად შემხვდა და კიდევაც ჩემი ცნობის მოყვარობა დააკაყოფილა. მითხრა: „მე ორი „სოპერნიცა“ მყავს. მე მათ ორივეს უყვარვარ, მათ გამომიგზავნეს და მეც, რასაკვირველია, ორივე მიყვარან და ორივეს გულით ვატარებო“. ამის თქმი გაათავა თუ არა, გამოუარეს წითლოსნებმა—თორმეტ-ცამეტი წლის ბარიშნებმა და მოაძახეს „დუშკოა“, ზოგმა „დუშეჩა“, ზოგმა გერიტი, მარგალიტი და რით არ მონათლეს ეს ჯერ კიდევ ძუძუმწოვარა ბაღანა. მაშინ კი ვთქვი: კიდევ კარგი, რომ მამა ჩემმა სწავლა არ მომცა, თორემ, ვინ იცის, მასწავლებელთა პროფესიაში ამომეყო თავი და, იცოცხლე, მე დღეს დამაყენებდნენ მოწაფეები. ისეთ გამხდიდნენ, როგორც სათ.-აზ. ზურნა-დარაბანდი. ღმერთს მადლობა გადავუხადე და მამა ჩემიც იმდენი ვლოცე, ვგონებ არას დროს აღარ მოკვდეს. (თუმცა ამაში კი შევედი, თუ არ მოკვდა; როდისღა მეღირსება მისი დატოვებული ფულებით ვიფრფაშო?).

მოწაფესთან ბოდიში მოვიხადე ასეთი „ნახალობიზა“ და წამოვედი. მოვალწიე თუ არა გიმნაზიასთან შეიქნა ზარების რეკა. გაიღო გიმნაზიის კარები თუ არა და იგრილა ხალხმა. მეც, რასაკვირველია, ვტუცე თავი, მაგრამ უკეთესი ჩემს ორ

თვალეს არა უნახავთ რა. თუ სადმე სილამაზის ღმერთები კი ყოფილან ყველას აქ მოეყარა თავი, რომ მათზედ ელოცნათ ხატების მაგივრათ, და ისე გამიტაცა და მომაჯადოვა მათმა ყურებამ, რომ სულ დამავიწყდა ახალი წლის წირვა-ლოცვა, თვით ახალი წელიც, ცოდვაც და მადლიც. როცა იქნა მოვედი გონს და მაშინ კი მივხვდი, რომ დიდი დანაშაულობა ჩავიდინე ღმერთის წინაშე. შევიბრუნე თავი, თუმცა ეს ოხერი თვალეები ამ კეკლუცებისკენ მეზიდებოდნენ. ბევრი ვიფურთხე ფუ! ეშმაკს! მეთქი, მარა არაფერი გამივიდა. თავში მაინც ვილაცეები მაგნიტური ძალით მეწიკებოდნენ. დამძლიეს ეშმაკებმა და აკი მივუახლოვდი ერთ ამათგანს! შევხვდე მარა, რას შევხვდე! ისეთ გასწითლებოდა ლოყები, როგორც თურაშაული ვაშლი, გულმკერდი მოღვავებულ-მოღელილი (დეკოლტეს რომ ეძახიან), ძუძუები ისეთ ჰქონდა ჩაფურთხულებული, გვეგონებოდათ ნამდვილ „როქეს“ საბერველით დაუბერვიათო, როგორც იქნა კიდევაც გავიცანი. ვკითხე: რატომ მთავარ-ანგელოზის ეკლესიაში არ წაბრძანებულხართ-მეთქი?

— „ამიტომ... რომ... იქ... ამოდენა“... სიტყვა ვეღარ დაათავა, მკერდი აუტოკდა, ვილაც პატარა მოწაფე მოვიდა, რაღაცა ჩაუფურჩულა და ხელიდან გამომაცალა ეს ვეებერთელა დედაკაცი და დავრჩი პირლია. მაშინ კი მივხვდი თუ რას ნიშნავდა სიტყვა „ამოდენა“. დავლონდი, რას ვიქმოდი, გამოვედი აქედანაც და როგორც კი მიუახლოვდი ქალების გიმნაზიას, შემხვდა ცნობილი მამო. მივესალმე მოწიწებით, რადგან საშიში პიროვნებაა. მივულოცე ახალი წელი და ჩაურითმ-ჩაურლექსე:

ახალწელსა მოგილოცავ,

ჩვენო კარგო, ჩვენო მამო!

ვისურვებ, რომ ქუთაისში,

როგორც გსურდეს იფარფაშო.

გაეხარდა, მადლობა მითხრა, მაგრამ შამომჩივლა: ორმოცდა თორმეტი კვირაა ნერვები სულ აშლილი მაქვს და ეგებ დასაწყნარებელი წამალი იცოდნე რამეო. მეც ვასწავლე: 1<sup>1</sup>/<sub>2</sub> გირვ. სტრაბინა უნდა დალიო-მეთქი და ისე დაგიწყნარდება ნერვები, რომ მის დღეში აღარ აგეშლება მეთქი.

გახიხრა, ორი ფუთი მადლობა მითხრა და

გნაცელა ტიფლისი: ამას როგორც იქნა რაკი დავახწიე თავი და მარცხი არ მომივიდა (თუმცა ხლაც კი მაკანკალებს), გავიქეცი სახლში, შევწექი ლოგინსა შინა, მაგრამ შენც არ მომიკვდე, ძილი მე არ მომიკიდებოდეს თვალებზე, სულ მაშო მელანდებოდა. ამ ვაი ვაგლახში გავატარე მთელი ღამე. დილა გათენდა თუ არა, ვადვიწერე პირჯვარი და დავანთე ეზოში დიდი ცეცხლი, დავიძახე „ჯარუ-რი“ კუდიანებსა მეთქი, ვისკუპე და ვადავანტი ცეცხლს სამჯერ და რავარც იქნა დამიწყნარდა გული. შეუდექი დილას ვიზიტებს. პირველად შეუდექი კოხამიანის მთას. პირველი ვიზიტი შანტეკლერს გაუკეთე. გამოიქუქუტანა კარებში და როგორც კი შემომხედა უფორმო კოსტიუმზე, მაშინვე მიიბრუნა პირი და ქუჭუტანიდანაც ველარ გავხდი ღირსი მეცქირნა ამ მშვენიერ არსებისთვის. დავაღე ხახა, გამოვბრუნდი გულდაწყვეტილი. რას ვიზამდი! ახია ჩემზედ, რა მიმარბენინებდა შენი ჭირიმე, ან და მე სულელმა რატომ არ ვიშოვე მხრებზე სირმა დატყებებული ტანისამოსი? არ მომეგებებოდა კი არა და მგონებ სულ შამპანიურებს ჩამაყლურჭიებდა ყლორჭსა შინა. ასე გულდაწყვეტილი დავეშვი ჩემს კაბინეტში სავარძელსა შინა და დღესაც გონს ვერ მოვსულვარ თუ რა დამემართა. ღმერთმა გაშოროს მკითხველო შანტეკლერიანი ქალის დაახლოვებას, უეჭველათ წირვა გამოვივა.

ლილა.

# ახალი ამბები.

კონცესიონერის გადაწყვეტილება: თავადს დადიანს გადაუწყვეტია პროექტით ასვას წყალი ქუთაისს, ვინაიდან ეს უფრო გიგიენურია, რადგან პროექტს ბაცილები არ გაუჩნდება და მოტყუილება კიდე, ხოლოერას ვერ გააჩენს.

➤ ლურჯოსნები გვატყობინებენ, რომ ნინო-ობას გამართულ სადამოზე დაურიგებით 158,000 წერილი აგებული რომანიულ ნიადაგზე.

➤ 8 იანვარს ბულვარის „ტროტუარზე“ მოხდა ბრძოლა რამოდენიმე სტუდენტებსა და გიმნაზიელებს შორის. კიდევ კარგი, რომ კეკლეუები ჩაერივნენ და გააშველეს, თორემ მგონი მთელი

ბალკანეთის ჯარები რომ დაჰრეოდა ვერ გააშველებდა.

➤ როგორც აღნიშნული გეჰონდა ლილის I №-ში, დუელი როქესა და თავადიშვილს შორის მოხდა 2ნი იანვარს არა ათ საათზე, არამედ ორის 5 წამზე, საკრებულო დარბაზში სეკუნდანტების თანდასწრებით. როქემ მოასწრო თავადიშვილს ხმლის მოქნევა და ისე ვაჟკაცურად მოუქნია რომ, თავადიშვილიც დასქრა და თავის სეკუნდანტს ანსელოს უკაბედათ ცხვირის ნაწილი ჩამოაცალა. ჭრილობა არც ერთის არ არის საშიში, ამ რიგათ გამარჯვება როქეს დარჩა.

➤ როგორც გავიგეთ სარწმუნო წყაროებიდან ლურჯოსნებს და წითლოსნებს შორის მოხდება დიდი ბრძოლა, შესახებ მათ შორის დიდი ხნის ატეხილი დავისა წითელ კანტიანთა დაყოფაში. წითლოსნები ჩვენის აზრით გაიმარჯვებენ, ვინაიდან ისტორიულათ, დიდი ხნის კავშირისა გამო უპირატესობა მათ ეკუთვნისთ, თან ბრძოლისთვისაც უფრო მომზადებული ყოფილან. მზადება მეორე მხრითაც დილია.

➤ როგორც ვადმოგვეცეს—ესფერები ნარდათ სავაქროს (ОЦТОВЫЙ СКЛАДЪ) აღებენ ვარლამ ჭილაძის ციხე-დარბაზში. განყოფილებები ექნებათ: ყვირილაში, ხონში, ქიათურაში, ბანძაში და სხვაგან. როგორც გავიგეთ—საჩხერის განყოფილების გლავნი ბუხგალტერათ გუცა ინიშნება (მადლობა ღმერთს დაწინაურებულა, რაზსილნოიდან ბუხგალტერობამდის ავიდა). დაწვრილებით შემდეგ №-ში.

➤ ბ. იაკობ ფანცხავას განუხილავს ქუთაისის შინაური და ფინანსიური საქმეები, რომელთა გამო, მას მავნებლათ უცენია ქუთაისში სწავლა განათლების გავრცელება, განსაკუთრებით გიმნაზიის დაარსება.

➤ იავორ ნიკოლაიძე (ცნობილი მაქანკალი) გვატყობინებს, რომ მისს აღფავიტში ერთი „პარის“ ადგილი დაცლილა. მსურველთ შეუძლიათ ჩაეწერონ.

➤ ქიათურაში ხმა გავრცელდა: ბ. ისიდორე ვარაზაშვილი და ილიკო აბაშიძე ქიათურის სადგურზე ლექციას წაიკითხვენ: „კიტა აბაშიძე და მისი უმანკაება“. ლექციის კითხვა მოხდება 1916 წელს დღით კვირას, დილის ათ საათზე. ორივე ერთათ

წაიკითხავენ „გიორგი ლიდერის პირით, გიორგის ხმით, გიორგის აზრით და გიორგის ტვინით. ლექცია უფასო და სინტერესო იქნება.

◆ ხონიდან გვატყობინებენ: ორ ლამაზ ქალიშვილთა შორის მოკლე დროში მოხდება დუელი; გამარჯვებულს დარჩება ხონის 14 წლის მოწაფე „ლამაზი გოგი“

◆ ხონიდან გვატყობინებენ: ხმა გავრცელდა ხონის ქალიშვილების უმეტესობა „გაფედერალისკდენო“. (ეგვეც სოციალ დემოკრატებს!).

◆ იქიდანვე: მოხდა კრება ქ. შ. წ. კ. გ. საზოგადოებისა. მოხდა ესფერებისა და ესდეკების აზრთა შეჯახება. გაიმარჯვეს ესფერებმა წყლის ნაყვამში, მაგრამ, ბოლოს ცარიელი ლაილი გამოუვიდათ.

◆ იქიდანვე: ქალიშვილებიგვთხოვენ ცნობილ მაჰანკალის იაგორ ბარკალაიას თავს. (თვითონ იციან რისთვის). ვასრულებთ მათ თხოვნას, გავაგზავნით კვირას.

◆ როგორც გვატყობინებენ თბილისიდან, ოქროს ფეხის პოეტს თბილისში 26 იანვარს ორთაქალის ბარაშკებში ქეიფის დროს წამოსწრებია თავისი საკუთარი ბარაშკა და უკაცრავი პასუხია ძალზე მოურეგვავს.

◆ იქიდანვე. 20 იანვარს მოხდება ფრიად სინტერესო ჭიდაობა ქართულ კლუბში. იქიდავებენ ცნობილი (თბილისელი) ხატისოვი და ცნობილი ქუთაისელი—პეტრე წვერ-ქიცინა. მეორეთ, чемпионъ мира цицико და ბ-ნი черная маска.

◆ ქიათურიდან გვაცნობებენ-გადაუწყვეტიათ ქიათურას მოწაფეებს, რომ შკოლაში „შიბცებით“ დახუჭუჭებული თმით იარონ, რადგანაც ქიათურის პროგიმნაზისტებს მათთვის ასე დაუვალბიათ.

◆ როგორც ყვირილიდან გვატყობინენ—კოსტა ფერაძე, ყვირილის თეატრის დარბაზში წაიკითხავს ლექციას შემდეგ თემაზე „ხვარასანი და მისი მნიშვნელობა, როგორც უებარი წამალი მუცლის ტკივილის დროს.

◆ იქიდანვე: ხმა გავრცელდა: ყვირილაში იოსებ გაბუნია ამ მოკლე ხანში ლექციას წაიკითხავს შემდეგ თემაზე: „დეპუტატი მიქელაძე და მისი ტალანტი“.

# დაგვიანებული მილოცვები

დავით ნიკოლაიჩ ნოტარიუსს!

ბ-ნო დავით. მომილოცნია ახალი წელი, ღმერთმა მრავალს დაგასწროთ თქვენის ცოლშვილით. შენ გენაცვალოს ჩემო დავით მთელი ვექსილები, რაც საპროტესტოთ გადმოგცენ; მართალია ხანდახან ზოგიერთი ვაქრები გულს გაყვანინებენ, მაგრამ შენც უნდა შეხვიდე ჩემო დავით ნიკოლაიჩ მათი წრეწუნის მდგომარეობაში და განხილვაში. ხანდახან, ჩემო დავით, „уступай“ უყავი ხოლმე.

## ივანოვის ძუჩის მცხოვრებათ.

მომილოცნია ახალი წელი. ღმერთმა მრავალს დაგასწროთ! ამასთან თქვე დალოცვილებო, სულ რომ წუწუნობდით წყალსადენი (Водопроводъ) არ გველირსაო, ეხლა ხომ ხომ კი მოესწარიო? უკეთესი წყალსადენი რაღათ გინდათ, ყოველ ოჯახის წინ ბუნებრივი აუზები გაქვთ, შიდ კალმახები სცურავენ. სომხებისთვის ბახტაკები და იშხანები (გელაქური). ამფერუმ ივანოვის საუკეთესო ქუჩა!

მალე გახდები ქვიტირი,  
ამიტომ თავზე დაგტირი.

ლილა.

## დედის მილოცვა.

შვილო კოლია! მომილოცავს ახალი წელი! ღმერთმა მიცოცხლოს შენი ქრელი თვალები. შენ გენაცვალოს შენი დედუა, მაგრამ, შვილო კოლია! რა ღმერთის წყრომაა ჩემს თავზე? შენმა ტოლებმა უკვე გაათავეს გემნაზია და შენ კი როგორც მესმის არშეიკობის გიმნაზია დაგისრულებია. ვაი ჩემი ბრალი შვილო! არ მერჩია ეგრე ლამაზი არ დამბადებოდი? ყოფილიყავი უშენო, ეგებ ეგ ჩემის ცოდვით საესე ფუშუფუშა გოგოები არ ავდევნებოდენ და სწავლას არ მოგაცდენდენ. ეხლა შვილო! მითხარი! რას აპირებ? მალე წვერულვაში დაგედოშება, ბარიშნები თითო თითოთ ხელზე შამოგეცლებიან, უყარე მერე კაკალი. ფულებიც შამოგაკლდება და აგიტყდება

გულის კანკალი. მოდი შეილო გონზე, დაიწყე მზადება (ეხლა მოდაშია) ეგებ ОКОНЧАТЕЛИ ეგზამენი ჩააბარო, თორემ შენც დაიღუპე და მეც დაღუპული ხომ ვარ და უარესათ დავიღუპები. გამიგონე! გვეედრები! შენ გენაცვალოს შენი დედუა, ნუ დაიღუპავ თავს სამუდამოდ.

შენი დედიკო.

### წერილი ჯოჯოხეთიდან.

ჩემო ძვირფასო (ვარლამ)! პირველად გისურვებ კარგათ ყოფნას შენი ცოლშვილით. ამასთან ვიცი ძმაო ჩემს ამბავს იკითხავ, მე რომ ყოფაში ვარ ისე გაგიხდა მტერი და ავით მახსენებელი. როგორც კი მაქედან გამოვემგზავრე (ან კი რა მომარბენიებდა მე უბედურს), მტაცეს ხელი და პირდაპირ ჯოჯოხეთში მაკრევიეს თავი. არ გამივიდა არც ხვეწნა, არც ბოდიში, არც ქრთამი. ტყუილა იძახოდნენ მანდ: „ქრთამი ჯოჯოხედშიდაც გავაო“, ქრთამით შეიძლება მხოლოდ წერილის გამოგზავნა, თორემ ქრთამით სამოთხეში არავის გადაიყვანებენ. ეხლა წარმოიდგინე თუ რა წვალებაში ვარ. მუდამ ბნელეთში ვარ, (ამ წერილის დაწერა ჯოჯოხეთის გლავნი უპრავლიაიუშჩმა მომცა ნება ქრთამით) ეს ოხერი ეშმაკები ჩაებმიან ფერხულში ჩამიდგებენ შუაში და გიყვარდეს ხტუნაობა, მარამ მახტუნებენ, სანამ სიქა გამერთმეორეს. ამასთან მად რომ შამპანიურს ვყლურქავდი, აქ წყალიც კი მენატრება, მანდ რომ დესერტებს ვყლაპავდი აქ თვით მქადის ნატეხებიც მენატრება, ასე წარმოიდგინე ნამცეცებიც. მანდ რომ ფულით ფუშ-ფუშა ქალებს ვპროშტნიდი, აქ ათას მანეთ ნაკლებ ეშმაკებსაც ვერ ვპროშტავ. მანდ რომ „ბარინს“ მეძახდენ, აქ ეშმაკების ლაქია ავით მე ვარ. მანდ რომ ხალხს ვატყავებდი, აქ სამავიეროთ ეშმაკები მე მატყავებენ; მანდ რომ ბანკების მესაიდუმლე ვიყავ, აქ ეშმაკების მესაიდუმლე ვარ. ასეა შემეი უბედური თავის ამბავი. მაგრამ, კი უნდა გითხრა ჩემო ძმაო რომ ახია ყოველივე ჩემს თავზე. არა, მეგონა მე სულელს თავის დღეში თუ მოკვდებოდი და ავყავი ებრაულ ძველ გადმოცემას.

„იემ მამონი, იემ ქაბოდ“  
 „ლოემ მამონი, ლოემ ქაბოდ“.

ქართულათ: (ფული გაქვს, პატივიც გაქვს და ქუანიცა ხარ. უფულო ხარ არც პატივი გაქვს და

არც ქუა). მე მეგონა ფულით აქაც პატივი შექნე ბოდა, ქუიანს დამიძახებდენ, მაგრამ ხომ უყურებ მოტყუებული ვყოფილვარ. ასეთ ძმაო ეცადე როგორმე შენც ჩემს დღეში არ ჩავარდე; დაანებე შიშის ადებას თავი, ნუ გშურს სხვისთვის ლუკმა პურის ჭამა და ეცადე რაც ძველი ცოდვები გაქვს მოინანიო. მე გირჩევ ჩემო კარგო მეგობარო, ასე მოიქცე. ან შენ იცი. მომიკითხე დიდის სიყვარულით ჩემი მეგობრები, მაგათაც მალე ველი. ელოდეთ კიდეც დაწვრილებით წერილს.

თქვენი ძმა ბურჟუა.

### ბორჯომიდან „მადამის“ წერილი სტუდენტ შალვასადმი.

ბ-ნო მკითხველო! ქვემო აღნიშნული წერილის შინაარსი სინამდვილეა, ფაქტია. მხოლოდ მადამის სახელსა და გვარს ვერ გავაზღვევთ და ვინც უნდა გვთხოვოს მისი გამოაშკარავება, უყურადღებოთ დავსტოვებთ; ჩვენ ამ წერილს იმიტომ ვათავსებთ, იცოდნენ ქალებმა რომ, მამაკაცები ყველანი სანდო არ არიან. უმრავლესობას კიდეც ექებათ და „მადამებისაგან“ სიყვარულის წერილებს ქუჩა-ქუჩა საჩვენებლათ ატარებენ.

რედაქცია.

### წერილის შინაარსი.

საყვარელო და მუდამ წუთს ტკბილათ მოსაგონარო ჩემო შალვა! ჩემო ხელით საგოგმანო მარგალიტო, ჩემო სიცოცხლეც, როგორ ხარ? მე უშენოთ ველარა ვძლებ ღამე ძილი აღარა მაქვს და თუ წუთით მიმეძინა მაშინაც კი სიზმარში შენ მეზმანები. ვავიღვიძებ თუ არა და სარეცელზე წამოწოლილს თვალ წინ მიდგახარ, გამოვსწევ ხელებს რომ მოგვხვიო და მაგ მშვენიერი ტუჩები დაგიკოცნო და რასა ვხედავ!! ხელები აკანკალებული და ტუჩები ათრთოლებული ცარიელი მიჩრება. აი ამ წვალებაშიდა ვარ შენ ჩემო შავ უღვაშო ბიჭო. შენ გენაცვალე, შენ შამოგველე ჩემო შალოჩკა, ეგებ ფული არა გაქვს ჩამოხვიდე ბორჯომში, ამისთვის გიგზავნი სამგზავრო ხუთ მანათს. აქ ჩამოსასვლელათ გეყოფა და რომ ჩამოხვალ შენ დავენაცვლოს ჩემი ქმრის გამოგზავნილი ფულებიც და მეც. მეტს გამოგიგზავნიდი გენაცვალე ფულებს მაგრამ, ты голубчикъ мой Шалючка, въ Кутаисъ

Гудешь шалеть. Ты меня не оцѣниваешь, а ты не знаешь\*) როგორ მიყვარხარ. პირდაპირ „მეხაუზმითა“ ვარ გაქედნილი.

ხო! მართლა დამავიწყდა, მე მუცელი კიდევ მოვიშალე „მისი“ დარდი ნუ გაქვს „ალხენიან“ იყავი. იმედი მაქვს ჩემო მშვენიერო მალე ჩამოხვალ, შენს მაგიერ ვკოცნი შენს სურათს ამ წუთში. ვაკოცებ ათასს მაგ მშვენიერ შავ თვალებში.

შენი ნახვის მოტრფიალე

მადამ?

### „ახალი მოდის მოწაფეები.“

ამ მეოცდა ერთე საუკუნეში, სულ აირია ქვეყანა. ვერ გავიგია ადამიანს, ვინ არის მოწაფე და ვინ არა. დღეს ყველას მოწაფის ქული ახურავს თავზე: პოეტი გინდა, ბულვარისტი გინდა, ვაჭარი გინდა და სხვა და სხვა... და ამით ვისაც კი უნდა კითხო მაშინვე გეტყვის „ГОТОВ. ПОСЯ НА ОТТЕСТАТ ЗРѢНЪНЪ. ЛОСТИ“. მაგრამ მკითხველო ძაღლის თავი სადაა დამარხული იცით? — თუ მოწაფის ქული გხურავს, ბარიშებიც გელაილაგებიან; თუ არა და იოხ გეთაყვა! ეს ბატონო მკითხველო მეცნიერულათ ვიცი დამერწმუნეთ, თორემ აი მაგალსათად ერთი ნამოწაფარი თვრამეტი წელი, თვრამეტი დღე, თვრამეტი საათი, თვრამეტი წამი, თვრამეტი წუთი ემზადა და დღესაც, როგორც გავიგე, კიდევ განაგრძობს მზადებას. ეს ოხერი მეცნიერული ცნობა — გამოკვლევაა აბა რა ჯანდაბ-ჯარხანაა.

ლილა.

### Пушок - ამის ინცინდენტები.

უნდა გავიმეორო, ამ დალოდვილ მეოცდა ერთე საუკუნეში ისე განვითარდა, გაკულტურდა ხალხი რომ დიდი და პატარა კლუბებში ერთობიან და განცხრომაში არიან. ამათ წამხედვარეს ძველ მგოსანს დათიკო Пушок - ამეს საშინელი საქმე დაემართა. იმ წყეულ ნესტორას წაყვა ქუთ. საკ-

\*) დახეთ რა რუსულია!

რებული დარბაზში სადარბაზოთ და როდესაც უზუნდარას თამაშს მორჩა დაქანცოლობის გამო წყალი მოწყურდა, სირცხვილით ველარაგის ჰკითხა, თუ სად შეიძლება წყლის დაღვევა და ამოპყო თავი იმისთანა ოთახში, რომ სუნმა კინაღამ მოახრჩო და ისთე დაიბნა წარმოიდგინეთ კარებსაც ველარ მიაგნო, რომ გამოსულიყო სუნნელოვან ოთახიდან. მისდა იღბლათ „კაპელმეისტერი“ შემთხვევით შევიდა ამ ოთახში და როდესაც გამობრუნდა გამოპყვა Купок — ამც. კაპელმეისტერი თავის მუზიკანტებთან მიდიოდა, მას კვალ და კვალ მიყობოდა გზა-კვალ აბნეული დათიკო Пушок — ამც. კაპელმეისტერს შეეშინდა ვილაც მომდევსო და კანკალით დაეკითხა: „Куда лѣ-зешь“ -ო. დათიკო მეტი ველარ მოახერხა და მიაძახა: „Я частный музыкантъ“ -ო. Ну тебѣ къ черту“ -ო შეუტია კაპელმეისტერმა და თან ერთი წიხლიც მიაყოლა ჩვენს მგოსანს გვერდებში და შეშინებული ავარდა მუზიკანტებთან. როგორც იყო, დიდის ვაი-ვაგლახით მოაგნო მგოსანმა საერთო დარბაზს, ნახა წვეული ნესტორიც და შესჩივლა თავის თავგადასავალი. ნესტორმა დაამშვიდა და წავიდნენ სავახშმოთ. თურმე ნუ იტყვიო! ჩვენს მგოსანს დანაჩანგლის ხმარებაც არა სკოდნია. წამ და უწუმ ხელიდან უვარდებოდა. წყეული ნესტორიც კეუას ასწავლიდა: შენ თუ აიღებ სირცხვილია, „ოფიციალტი“ აიღებს დაახალს მოგიტანსო.“ ბოლოს ოფიციალტს რომ მოსწყინდა იატაკიდან დანა-ჩანგლების აბოქვა, — დაეკითხა: „ჩვენო მგოსანო, ამ ბოლოს დროს ნამეტანი „ვოტკის“ ყლურქვისგან ხელების ძაგძაგი ხომ არ აგტეხიაო?“ დათიკომაც მიუგო: „ღიახ! ღიახ! ღიახო! და აი ასეთის ვაივაგლახით გამოვიდა და წავიდა თავის საწოლ „კაბინეთში“ და როგორც გავიგე, თურმე ნუ იტყვი მთელი ღამე „კაპელმეისტრები“ ელანდებოდა და საწყალს შიშის გამო გულის კანკალი ასტეხია მკითხველო, უსურვოთ ჩვენს ძველი მგოსან დათიკო Пушок — ამეს გამობრუნება.

ლილა.

რედაქტორ-გამომცემელი იოსებ ქავუარაძე.